


Klepp og Time



Rapport 2011- Klepp og Time kommunar

Disposisjon	Kommentarer
1. innleiing	Time og Klepp kommunar er ressurskommunar i regjeringa sin handlingsplan for universell utforming 2009 – 2013, tiltak K1. Kommunane var også par-kommunar i forrige handlingsplan, 2005-2008, tiltak BU31. Klepp og Time har laga eigen handlingsplan for 2011 som skal vere med å oppfylle felles prosjektplan.
2. Organisering og forankring	Prosjektet er organisert med felles prosjektleiar i 40 % stilling. Det er etablert arbeidsgruppe med fylgjande funksjonar: kommunalteknikk, byggesak, plan, eigedom, helse, vedlikehald og ein brukarrepresentant frå kvar kommune, valt av Rådet. I tillegg er det med representantar frå fylkesmann, prosjektleiar for pilotfylke Rogaland og Husbanken i Bergen. Det er tilsaman 11 personar, likt fordelt mellom kommunane og eksterne deltakarar. Det er også etablert ei styringgruppe med to politikarar og to frå administrasjonen, ein frå kvar kommune. Arbeidsgruppa har møte ein gong pr månad, medan styringsgruppa har møte 3-4 gonger pr år. Begge kommunar har hatt god deltaking på konferansar i regi av K1 tiltaket. Det er bestemt at ein av kommunalsjefane i styringsgruppa skal delta på nasjonale samlingar i regi av K1 tiltaket, for å sikre forankring på leiarnivå i kommunane. Handlingsplan og rapport 2011 vert lagt fram for politikarane til orientering Prosjektleiar har hatt informasjon om universell utforming og prosjektet i dei nye kommunestyra, også i to politiske utval. I 2011 hadde kommunane ei felles sak om universell utforming i kommunestyra. Saka gjekk utpå å få politisk godkjenning for å krevje eit visst antall tilgjengelege bueiningar i samsvar med TEK10 i nye reguleringsplanar. Begge kommunar har universell utforming som tydeleg verdi i nyleg vedtekne kommuneplanar. Time kommune har eigne retningslinjer for universell utforming i kommuneplanen.
3. Metode	Prosjektet «Universell utforming» har heilt frå starten i 2006 vore organisert etter sektoransvarsprinsippet. Prosjektleiar har arbeidd etter fylgjande prinsipp: • Bevisstgjeriing. Få ei forståing administrativt, politisk, blant tilsette og i byggjebransjen for begrepet universell utforming. • Kompetanse / informasjon. Auka kompetanse i organisasjonen har hatt høg prioritet. To tilsette har i 2011 delteke ved kompetansegivande kurs i universell utforming. Vi har hatt frokostmøte i samarbeid med Statens vegvesen i Stavanger for å

	gjere Håndbok 278 kjent i bransjen • Konkrete prosjekt. I 2011 har vi hatt fokus på mellom anna Kverneland barnehage og Sirkelen, som er eit stort, nytt omsorgsbygg i Klepp kommune. Kverneland barnehage vert nærmare presentert, jamfør vedlegg.
4. Oppnådde resultat	Strategien universell utforming er godt forankra politisk, administrativt og i overordna planar i begge kommunar. Kompetanse og bevissthet rundt universell utforming er god i begge kommunar.
5. Økonomi	Time/Klepp har fått kr 300 000 i støtte frå MD i 2011. Vi fekk også kr 200 000 i skjønnsmidler frå Fylkesmannen som vi har brukt i 2010 og 2011. Klepp kommune søkte og fekk BRA midler i 2011 Midlene går til lønn til prosjektleiar i 40 % stilling, til kompetansehevande tiltak som kurs, konferansar og frokostmøte. Midlene som ikkje er brukt i 2011 er overført til 2012. For 2011 gjeld dette kr 258 000.
6. Gevinst-realisering	Det har vore stor byggjeaktivitet i kommunane på Jæren dei siste åra. Kunnskap om universell utforming, samt bevisstgjerjing på nytt lovverk, har gjort at nye byggjeprosjekt og ombygging / rehabilitering har teke omsyn til universell utforming ved planlegging. Dette vil spare kommunane for store utgifter når forskrift om oppgradering av eksisterande bygg kjem. Prosjektet har og ført til utvida samarbeid mellom ulike avdelingar, og tilført ny kunnskap. Brukarmedverknad i regi av Senior – og Brukarrådet i begge kommunar har og tilført kommunane ny kunnskap. Å jobbe to kommunar saman om denne type prosjekt, har gitt gevinst. Felles kompetanseheving, frokostmøte der byggjebransjen har vore viktige deltakarar og felles politiske saker har gitt oss større tyngde enn om vi skulle vore kvar for oss.
7. Endringer og tillegg	Vi har hatt god kontakt med dei seks nye pilotkommunane i Rogaland. Dei har vore med på fleire samlingar i K1 regi. Prosjektleiar har gjennomført K5 samlingar i 3 av dei 6 pilotkommunane, ca 2 dagar i kvar kommune. Klepp / Time, saman med pilotfylke Rogaland, var vertskap for nasjonal K1 samling på Jæren i mai 2011.
8. Prosjekt fagleg evaluering	Prosjekt «universell utforming» er godt organisert med styringsgruppe, arbeidsgruppe og felles prosjektleiar. Samarbeid med Fylkesmann og Fylkeskommune er godt og har hatt betyding for arbeidet. Det same har samarbeid med Husbanken i Bergen. Samarbeid mellom dei to kommunane har vore ein suksess og gjort prosjektet robust. Prosjektorganiseringa har bidrege sterkt til at universell utforming er godt forankra i begge kommunane.
9. Dokumentasjon	Vedlagt er rapport frå Kverneland barnehage i Time kommune, som eit godt eksempel på universell utforming. Eksempel på planarbeid, der universell utforming er godt integrert: • Kommuneplan Klepp 2010 – 2021. Denne er å finna på www.klepp.kommune.no

- | | |
|--|--|
| | <ul style="list-style-type: none">• Kommuneplan Time kommune 2011 – 2022. Denne er å finna på www.Time.kommune.no |
|--|--|

2011



Kvernaland barnehage

Anne Reidun Garpestad
Ressurskommunane universell
utforming Klepp og Time
01.01.2011

Vedlegg til rapport 2011 frå ressurskommunane Klepp og Time.

Eksempel på eit bygg der universell utforming, kvalitet og økonomi er vektlagt

KVERNALAND BARNEHAGE



RAMMETILLATELSE

				ark.	drift	tekn.	økon.	kont.	andre
Byggherre				ark.					
Freylandvegen 4355 Kvernaland				tekn. nr.					
Kvernaland Barnehage,				A72.101					
Perspektiver									
dato	tekn.	økon.	kont.	tekn. nr.					
021208	DC	DSB	NØT	2008-12					



Litt fakta om barnehagen:


- Plass til 126 barn
- Bruttoarealet er 1420 m2 inkl boder
- Kostnadsramme på 35,8 mill inkl mva
- Utført som delte entrepriser
- Barnehagen vart opna for fullt august 2011

Barnehagen har 2 etasjer. Den er planlagt som ein kombinasjon av base – og avdelingsbarnehage. Andre etasje har plass til administrasjon, garderober, pauserom

og tekniske rom. I første etasje er det lagt opp til fellesrom, baserom og egne rom tilrettelagt for barn med nedsett funksjonsevne, f eks til trening.

Utvendig:

- Relativt flat tomt
- Bygget fungerer som støyskjerm
- Kompakt utforming av uteområde, skjerma mot sør



Teikning uteområde

I uteområdet har ein lagt vekt på fylgjande når det gjeld universell utforming:

- Gangsone på parkeringsplass. Naturlege ledelinjer
- Inngangsparti med fargekontrast
- Faste underlag
- Sand bort frå inngangsparti
- Tilrettelagt leikeområde for “alle”, slik at alle skal kunne kome til dei ulike leikesonene
- Det er brukt planter som ikkje er allergiframkallande

- Trinnfrie overganger
- Det er planlagt leikeområde med naturleg avskjerming i forhold til roleg leik, fysisk og motorisk leik og soner for små og store barn, utan at det er fysiske skille mellom sonene.
- Desse skillene er markert med mellom anna tredekke, der tredekke skal vere som botn i ein skog og der det er planta lauvtre, som skal gi skygge om sommaren og sleppe gjennom lys om vinteren
- Det er amfi ute med trapper, som er tilrettelagt for barn i forhold til inn og opptrinn. Dette skal gi mulighet for trening og aktivitet
- Ballbinge med tilgang for alle
- Rampe til vatn- og sandleik
- Det er gangstier med fast underlag mellom fleire sandkassar
- Rutsjebanen er tilrettelagt slik at ein kan kome til utan å gå i trapp
- Det er ei bru og fleire små humpar i asfalt som barna kan sykle, trille, gå, sparke over
- Gangsonene er belyst





Innvendig har ein lagt vekt på fylgjande når det gjeld universell utforming:

- Ståande panel
- Leikerom med vatn, med gode kontrastar
- Støydempande himling, som gir kort etterklagstid. Taka er ikkje beine, litt skjeive for å brekke lyden
- Demping i bordplater og golvbelegg
- Hev og senkbare skrivebord i administrasjonen
- Hev og senk stellebenkar på alle bad
- Sanitærutstyr i høgde tilpassa barna
- Miljøvennleg golvbelegg og maling
- Løfteplattform mellom 1. og 2. etg
- To automatiske døropnarar – til administrasjonen
- Lyssensorar som slår på lyset når ein kjem inn i alle rom
- Lysavskjerming
- Det er brukt skyvedører der det er mogleg og der dørene vanlegvis står mykje opne
- Det er hc-toalett for vaksne i 1. etg
- Det er eige samtalerom for foreldre i 1. etg
- Det er markert med eige farge i golvbelegg i område der barna ikkje skal vere. Gjeld kjøkkenområde
- Det er vannboren varme
- Det er ingen gardin og lause matter for å unngå støvsamling
- Overgang mellom golvbelegg og panel er utan list for å unngå støv
- Det er tilrettelagt for soving både ute og inne
- Det er små og store rom, for å kunne tilretteleggje for skjerming
- Det er datarom for barna, som ligg sentralt i barnehagen. Skal kunne brukast av alle
- Det er vindu både oppe og nede på dørblad, slik at barna også kan kikke gjennom

kontaktinformasjon:

www.minbarnehage.no/kverneland

www.time.kommune.no

Anne.reidun.garpestad@time.kommune.no